

夫心腸如鉄石。氣槩貫虹蜺。不免屈志于女人。題起當時西楚霸王。姓項名籍。單名羽字。因秦始皇無道。南修五嶺。北築長城。東填大海。西建阿房。并吞六國。坑儒焚典。因與漢王劉邦。單名季字。時二人起兵。席捲三秦。滅了秦國。指鴻溝爲界。平分天下。因用范增之謀。連敗漢王七十二陣。只因寵着一個婦人。名喚虞姬。有傾城之色。載于軍中。朝夕不離。一旦被韓信所敗。夜走陰陵。爲追兵所逼。霸王敗向江東取救。因捨虞姬不得。又聞四面皆楚歌。事發。嘆曰。力拔山兮氣蓋世。時不利兮雖不逝。雖不逝兮可奈何。虞兮虞兮奈若何。歌畢。泪下數行。虞姬曰。大王莫非以賤妾之故。有費軍中大事。霸王曰。不然。吾與汝不忍相捨。故耳。况汝這般容色。劉邦乃酒色之君。必見汝而納之。虞姬泣

曰。妾寧以義死。不以苟生。遂請王之寶劍。自刎而死。霸王因大慟。尋以自刎。史官有詩嘆曰。

拔山力盡霸圖隳

倚劍空歌不逝雖

明月滿營天似水

那堪回首別虞姬

那漢王劉邦。原是泗上亭長。提三尺劍。破秦山。斬白蛇。起手二年。秦五年滅楚。掙成天下。只因也是寵着個婦人。名喚戚氏。夫人所生一子。名趙王如意。因被呂后妬害。心甚不安。一日高祖有疾。乃枕戚夫人腿而卧。夫人哭曰。陛下萬歲後。妾母子何所托。帝曰。不難。吾明日出朝。廢太子而立爾子。意下如何。戚夫人乃收泪謝恩。呂后聞之。密召張良謀計。良舉薦商山四皓。下來輔佐太子。一日同太子入朝。高祖見四人鬚髮交白。衣冠甚